

“Tomades, no giulan!”: l’Azienda Sanitara da Burnech, le Senioreclub de Badia y le Comun de Badia organisèia n domisdé de prevenziun en **mercui ai 21 de novèmer dales 14.30** te Ciasa J.B. Runcher. Al baiará la dutur de familia Letterio Taormina, la dietista Silvia Pitscheider, le fisioterapist Pepi Kostner y les infermieres dl ambulatorio de Badia. Le domisdé é davert a düc.

Informaziun dai Stüdafüch de Badia - Control di destodadus en sabeda al 1 de dezèmer dales 8:00 ales 12:00, sarál la poscibilitè de condüje te magazin di Stüdafüch i destodadus (polver, scaia o CO²) por le control scrit dant. I stüdafüch y na dita spezialisada piará do i destodadus, che an ciafará spo do 1 ora. Al n’é nia ma n sorvise ala comunité mo ince n intervënt de prevenziun cuntra le medefüch!

La biblioteca Sas dla Crusc invièia düc te biblioteca a Badia ai *“amisc dles erbes s’incunta – imparun a conësce n valgünes erbes”* en vëndres ai 23 de novèmer dales 20:00.


Referat: *“Desturbs da mangé canche i mituns devènta jogn: co fejon pa da capí canche zacai á chisc desturbs y ci pón pa fá?”* cun la dr. Antonietta Mastrandrea. Le Consèi de Formaziun Badia invièia düc en jöbia, ai 22 de novèmer dales 19:30 te scora mesana a La Ila.

Curs de basa „Amministratore di sostegno/Sachwalter“ ai 20 y 22 de novèmer dales 16.30 ales 19.30 te Raiun Sozial Val Badia a Pocolin. Al gnará dé informaziuns sön la normativa, sön les responsabilités y sön i dovèis de n aministradú de sostègn. Le curs é gratis y an pó se scrí ite anter i 16 de novèmer 2018 sot ala mail info@sostegno.bz.it.

Presentaziun dl liber “Gezählte Tage sind kostbare Tage” de Meinhard Feichter en vëndres, ai 23 de novèmer dales 20:00 tla biblioteca dl Istitut Micurá de Rù a S. Martin.

*Non tutti possiamo fare grandi cose,
ma possiamo fare piccole cose con grande amore
(Madre Teresa)*


Impressum: Ploania Badia, redaziun Cristina Frena
Comunicaziun cina jöbia sèra a parrocchiabadia@libero.it o frencris49@gmail.com
Download plata: www.valbadiaonline.it/comunitè/unitèpastoralavalbadia/ploanies/badia



Plata dla Ploania Badia San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: parrocchiabadia@libero.it
Radio dla Ploania: **91,10 Mhz**


UNITÉ PASTORALA



www.unitepastorala.org

Ann „B“ 18.11. - 25.11.2018 33^a Domènia dl Ann n. 51

Domènia dla Caritas



Vangele dla proscima domènia - Festa de Crist Re - Ann „B“ Merch 13, 24-32

Te chël tèmp á Pilatus damané Gejú: Este tö le re di iüdes? Gejú á respognü: Dijeste chësc de tüa bona, o él sté zacai d’atri che t’al á dit? Pilatus á respognü: Sunsi iö forsc n iüda? To popul y i gragn proi t’á surandé a me. Ci aste pa fat?

Y Gejú á respognü: Mi rëgn n’é nia de chësc monn. Sce mi rëgn foss de chësc monn, fossel mia jënt che combatess, ch’i ne ti gniss nia surandé ai iüdes. Mo mi rëgn n’é nia da chiló. Pilatus ti á dit: Chël ó dí, che t’es impó n re? Gejú á respognü: Tö le dijes, iö sun n re. Porchël sunsi nasciü y gnü tl monn, ch’i dais testimonianza por la verité. Vignun che é dla verité ascuta mia usc!

FUNZIUNS SACRES

18.11. **33^a DOMÈNIA dl Ann B – Domènia dla Caritas**

10.00 Mëssa por la Comunità
†ti Giuseppe, Maria y Franz Burchia
†to Gerhard Pescoller (oferta Caritas)

15.00 Ora de adoraziun

18.00 †to Tone Pitscheider - aniversar
†ti dla fam. Davide Campeï
por fam. Davide y Tarina Campeï

• sona grup de strumënc •

20.11. Mertesc

19.30 Liturgia dla Parora

21.11. Mercui - Mëssa cun i scolars dla elementara

07.30 †to Georg Schmid
†to Alfred Frenes
por fam. Giovanni y Maria Pitscheider da Larzonëi

22.11. Jöbia - Mëssa cun i studënc y crejimanc

19.30 †to Erich Dapunt - aniversar
†ti Otto y Zilia Adang
†ti Albina y Sepl Trebo
†to Giacomo

23.11. Vëndres – S. Clemente

07.30 †ta Agnes Pitscheider Irsara
†ta Nane Nagler
por fam. Rosmarie Rottonara en rengraz.

24.11. Sabeda

16.00 Mëssa a Oies

25.11. **FESTA de CRIST RE – Festa de Santa Zezilia**

10.00 Mëssa ciantada cun y por le cor de dlijia
†to Sepl Tavella - aniversar
†ti Mariangel, Giustina y Otto Clement
†to Milio Costisella

18.00 †ti Pizzinini y Crazzolara de Runch
†ta Waltraud Wieser Pizzinini
†to Franz Rudiferia

Dala VITA dla CÛRA

Caritas: l'oferta dles mësses de chësta domènia jará ala Caritas. Dër bel giulan a chi che á porté i sac dal guant, chi che á daidé ciarié, mené inant y desciarié la racoiüda di sac.

Le Diozesaninstitut für Unterhalt des Klerus (DIUK) præia ince chësc ann de n contribut por mantegní nösc proi. Vigni spëнора, ince la plö picera, é de aiüt y pó gní trata jö dal davëgn sotmetü ala cuta. Informaziuns ciafëise al nr.0471/306300 o ti jorantins jödapé de dlijia.

"Adventsfeier": le K.V.W. adüm al Comun de Badia, inviëia vëdues, vëdui, porsones sores y acompagnadus a na picera "Adventsfeier" en sabeda ai 1° de dezëmber dales 14.00 tla scola mesana a La Ila. Un l'onur de avëi cun nos Siur Degan che fej na introduziun al Advënt y n raprejentant dl Comun. N grup de ciantarines abelësc l'incuntada. Dedô aurela cürta cun picera marëna por düc. Gnide tröc. Sce valgügn adora n auto, él da aspeté dales 13.30 dan la Ciasa dles Uniuns o a Pedrases.

Festa dl volontariat: por le de internazional dl volontariat inviunse voluntars y voluntares dla Ciasa de Palsa Ojöp Frëinademetz y dötes les uniuns che á fat val sorvisc ia por l'ann, a na Mëssa de rengraziament cun renfrësch. Oressun insciö dí iolan de döt ci che i fajes ia por l'ann. Inviades é ince les porsones interessades a fá sorvisc de volontariat y dediché n pü de tëmp ai berbesc y mëdes dla Ciasa de Palsa. Gnide en sabeda, ai 1 de dezëmber dales 15.30 tla capela dla Ciasa de Palsa.



En mercui, ai 21.11.2018 complësc **Zilia Alfarei** de Parüs **90** agn y **Walter Irsara** da Larzonëi **81** agn, en vëndres, ai 23.11.2018 **Elvira Trebo Miribung** da S. Linert **85** agn. Le Senioreclub y düta la comunité ti aoda düt le bun, sanité y benedisciun de Dî.